

Uunga siunnersuut: Inissiani attartortittakkani ineqarnermut tapiissutit pillugit Inatsisartut inatsisaat nr. xx, xx xx 2015-imeersoq

(Ilaqutariinnermut, Naligiissitaanermut Isumaginninnermullu Naalakkersuisoq)

Saqqummiussissut

(Ilaqutariinnermut, Naligiissitaanermut Isumaginninnermullu Naalakkersuisoq)

1. suliarineqarnera

Naalakkersuisut matumuuna ineqarnermut tapiissutit pillugit inatsisartut inatsisissaattut siunnersuut saqqummiuppaat.

Siunnersuuteqarnermut tunngaviuvoq ineqarnermut tapiissutinik naatsorsuinermi tunngaviusup nutarterneqarnissaanik kissaateqarneq, tassa ineqarnermut tapiissutit innuttaasup maanna isertitaanut pitsaanagerusumik naapertuutsilerniarlugit. Ineqarnermut tapiissutit ullumikkut naatsorsorneqartarput isertitat pillugit paasissutissat amerlasuutigut pisoqaavallaartartut aallaavigalugit. Naalakkersuisunit kissaatigineqarpoq, isertitat pillugit paasissutissat nutaajunerusut aallaavigalugit isumaginninnermi ikiorsiissutit tunniunneqartarnissaat.

Tamatuma saniatigut Naalakkersuisunit kissaatigineqarpoq, ineqarnermut tapiissutit pillugit inatsimmi ineqarnermut tapiissutinik tunniussisarnerup nalunaarutitigut iluarsissuteqarsinnaanerup ammaaneparnissaa. Attartortitsisut inissiat attartortittakkat akisoorujussuutinnerisigut aningaasaqarnikkut iluanaarujussuarsinnaanerut malittarisassani atuuttuni naapertuutinnilaq.

Naalakkersuisut isumaqarput ineqarnermut tapiissutit pillugit malittarisassat atonerlunneqarsinnaasariaqanngitsut. Ineqarnermut tapiissutit inatsimmi siunertarinqartumut, tassa inuit ineqarnermut akiliisinnaajumallutik ineqarnermut tapiiffigineqarnissamik pisariaqartitsisut ikiorneqarnissaannut atorneqassapput.

Attartukkanut immikkut ittunut ineqarnermut tapiissuteqartarneq politikikkut sammineqarsimaqaaq. Taamaammat Naalakkersuisut nuannaarutigaaq ineqarnermut tapiissutit pillugit inatsimmik nutaamik saqqummiussisinnaanertik, inatsit periarfissiisoq inissiamik taassumalu aqqissugaaneramik eqqarsaatiginnilluni nalunaarutitigut ineqarnermut tapiissutinik assigiingissitsisinnaanermut.

Siunnersuutip nassataanik aningaasanut killiliissutit il. il. pillugit Naalakkersuisut nutaamik nalunaarusiussapput.

Taamatut oqaaseqarlunga saqqummiussissut Inatsisartunut oqaluuserisassanngortippara.